

JP Nacionalni park „Una“ d.o.o. Bihać
Ul. Bosanska br. 17D
77 000 B I H A Ć
Ured direktora
Broj: 01-3342/24
Bihać, 31.12.2024. godine

Na temelju člana 40. i člana 43. Statuta JP Nacionalni park „Una“, d.o.o. Bihać, a u vezi sa članom 9. stav 2. tč. 3. Zakona o Nacionalnom parku „Una“ („Službene novine Federacije BiH“ broj: 44/08), v.d. direktora d o n o s i

ODLUKU

o uvjetima i načinu organizacije sportsko - rekreativnih aktivnosti
na vodenim tokovima u području Nacionalnog parka „Una“ za 2025. godinu

Član 1.

Ovom Odlukom uređuju se pitanja od značaja za organizaciju sportsko - rekreativnih aktivnosti na vodenim tokovima u području Nacionalnog parka „Una“ Bihać i to: rafting, kajakaštvo, kanu, podvodne aktivnosti (ronjenje) i druge dozvoljene sportsko-rekreativne aktivnosti na vodotocima.

Član 2.

Organizacijom sportsko - rekreativnih aktivnosti iz člana 1. ove Odluke mogu se baviti pravna lica koja imaju potpisan Ugovor sa JP Nacionalni park „Una“ d.o.o. Bihać i koja su registrirana za pružanje ove vrste usluga posjetiteljima, kao i posjetitelji koji plovidbu vrše u vlastitoj organizaciji odnosno koristeći vlastita plovila i propisanu opremu.

Posjetitelji koji imaju namjeru plovidbu vršiti samostalno u vlastitoj organizaciji, moraju ispuniti određene uvjete propisane Pravilima o uvjetima i načinu organizacije sportsko-rekreativnih aktivnosti na vodenim tokovima u području Nacionalnog parka „Una“ za 2025. godinu.

Član 3.

Sastavni dio ove Odluke čine Pravila o uvjetima i načinu organizacije sportsko - rekreativnih aktivnosti na vodenim tokovima u području Nacionalnog parka „Una“, a koja su u skladu sa odredbama Zakona o Nacionalnom parku „Una“ („Službene novine Federacije BiH“ broj: 44/08) i Zakona o unutrašnjoj i pomorskoj plovidbi („Službene novine Federacije BiH“, broj: 73/05), kao i drugih propisa koji reguliraju riječnu plovidbu i provođenje aktivnosti na i u vodi.

Član 4.

Pravna i fizička lica iz tačke 2. ove Odluke su dužna uplatiti novčanu naknadu za provođenje sportsko - rekreativnih aktivnosti na vodenim tokovima u području Nacionalnog parka „Una“, gotovinski ili na bankovni račun Javnog preduzeća isključivo uz prethodnu najavu upravi Javnog preduzeća. Plaćanje u gotovini se može izvršiti u naplatnim kućicama na ulazima u posjetilačke zone i u info kućicama u Kulen Vakufu i Martin Brodu.

Utvrđuju se slijedeće novčane naknade za provođenje aktivnosti iz tačke 1. ove Odluke:

- 15,00 KM (petnaest KM) za svakog posjetitelja u plovilu-korisnika usluga na dionici Štrbački buk-Lohovo,
- 8,00 KM (osam KM) za svakog posjetitelja u plovilu-korisnika usluga na dionici Martin Brod- Kulen Vakuf,
- 5,00 KM (pet KM) za svakog posjetitelja u plovilu-korisnika usluga na dionici Troslap-Dvoslap,
- 15,00 KM (petnaest KM) za svakog posjetitelja ronioca koji vrši podvodne aktivnosti u rijeci Uni na dionici Martin Brod - Lohovo.

Član 5.

Svakom posjetitelju ili grupi posjetitelja (grupna ulaznica) koji upražnjava sportsko-rekreativne aktivnosti na vodenim tokovima u području Nacionalnog parka „Una“, Javno preduzeće je dužno izdati ulaznicu (ulaznica za rafting, kajak, kanu, ronjenje) i fiskalni račun.

Na dan plovidbe ili ronjenja, posjetitelji mogu ulaznicu za plovidbu ili ronjenje na/u vodenim tokovima koristiti i za posjetu drugim dijelovima Nacionalnog parka „Una“ gdje se vrši naplata ulaza (posjetilačke zone Štrbački buk-Lohovo i Martin Brod).

Član 6.

U cilju što kvalitetnije organizacije Internacionalne turističke Una regate i izbjegavanja gužve na vodenim tokovima kuda plovi Regata, neće biti dopušten komercijalni rafting i kajakaštvo u području Nacionalnog parka Una u vrijeme trajanja ovog događaja osim prijavljenih plovila učesnika Regate i organizatora.

Član 7.

Subjektima koja se bave organizacijom sportsko - rekreativnih aktivnosti na vodenim tokovima u području Nacionalnog parka „Una“, a koja nisu izmirila financijske obaveze po pitanju naknada za organizaciju sportsko-rekreativnih aktivnosti na vodenim tokovima prema JP Nacionalni park „Una“ d.o.o. Bihać, neće biti dozvoljeno obavljanje djelatnosti iz člana 1. ove odluke do momenta izmirenja dugovanja.

Zabrana iz stava 1. ovog člana se odnosi i na situacije kada organizator aktivnosti na/u vodi ne ispunjavanja propisane uvjete za obavljanje djelatnosti (adekvatno i registrirano raft plovilo, osnovna zaštitna oprema, skiper-upravljač plovilom mora posjedovati uvjerenje o položenom ispitu za upravljača čamca).

Član 8.

Ova Odluka stupa na snagu danom donošenja, a primjenjivati će se za kalendarsku 2025. godinu.

V. D. direktora

Alen Zulić

JP Nacionalni park „Una“ d.o.o. Bihać
Ul. Bosanska br. 17D
77 000 B I H A Ć
Ured direktora
Broj: 01-3343/24
Bihać, 31.12.2024. godine

Na temelju člana 40. i 43. Statuta JP Nacionalni park „Una“, d.o.o. Bihać, a u vezi sa članom 9. stav 2. tč. 3. Zakona o Nacionalnom parku „Una“ („Službene novine Federacije BiH“ broj: 44/08), v.d. direktora d o n o s i

P R A V I L A

o uvjetima i načinu organizacije sportsko-rekreativnih aktivnosti
na vodenim tokovima u području Nacionalnog parka „Una“ za 2025. godinu

Član 1.

Pravna i fizička lica koja organiziraju sportsko-rekreativne aktivnosti na vodenim tokovima u području Nacionalnog parka „Una“ dužna su:

- ishoditi propisanu registraciju od nadležne kapetanije za rafting čamce,
- za organizaciju i vršenje usluge plovidbe sportskim veslačkim čamcima, kajacima, kanuima i drugim plovilima osigurati zakonom propisanu registraciju za vršenje ovih djelatnosti,
- osigurati da plovilom upravlja osoba sa položenim ispitom za upravljača čamcem na unutrašnjim i pomorskim plovnim putevima (tzv. skiper),
- na propisanom obrascu, ovjerenom i potpisanom od strane odgovorne osobe, najaviti planiranu plovidbu sa imenima posjetitelja, te isti dostaviti upravi JP NP „Una“ d.o.o. Bihać putem fax-a, elektronske pošte ili recepcionaru na ulazu u posjetilačke zone,
- osigurati učesnike koji su u plovilu kod nadležnih osiguravajućih kuća,
- svakom učesniku raftinga i kajaka osigurati osnovnu opremu (spasilački prsluk, zaštitnu kacigu i veslo),
- upoznati učesnike sa pravilima koja se primjenjuju u području Nacionalnog parka „Una“,
- osigurati transport i prihvat ljudi i vozila na način da se ne narušava prirodni okoliš,
- dozvoliti učešće maloljetnim osobama samo uz pismeno odobrenje ili prisustvo roditelja ili staratelja,
- osigurati da se oprema i ambalaža koju koriste učesnici u čamcima tokom plovidbe spremi na adekvatan način, tako da ne može onečistiti rijeku Unu, čak i u slučaju prevrtanja čamca (plastično bure sa poklopcem ili adekvatna jača vreća vezane za čamac),
- za ulazak u vodu koristiti samo određena mjesta i to:
 - a) u naseljenom mjestu Martin brod–lokalitet Lučica na rijeci Unac (mjesto gdje starta Internacionalna Una regata),
 - b) u naseljenom mjestu Kulen Vakuf – u granicama naseljenog mjesta,
 - c) 1 km uzvodno od Štrbačkog buka, mjesto gdje je za ovu namjenu pripremljen adekvatan silaz u vodu, postavljena signalizacija sa natpisom Start rafting, te šator ili kabina za presvlačenje učesnika,
 - d) u području Štrbačkog buka – ispod sedrenih barijera buka na mjestu otkud starta dionica Una regate odnosno ispod zadnjeg vidikovca.

- sukladno Uredbi o organizaciji, načinu rada i ovlastima nadzorničke službe zaštite prirode („Službene novine Federacije BiH“ broj: 14/16) omogućiti nadzornicima Nacionalnog parka Una pregled plovila, opreme, licenci skipera, registracije plovila i stvari koje se namjeravaju unijeti u čamac prije startanja.

Član 2.

Pravnim i fizičkim lica koja organiziraju ove vrste sportsko-rekreativnih aktivnosti na vodotocima u području Nacionalnog parka „Una“ nije dozvoljeno:

- unositi alkoholna pića u plovilo osim nužne opreme i osvježavajućih napitaka koji su spremljeni u hermetički zatvorenu plastičnu posudu ili vreću pričvršćenu za plovilo,
- koristiti bilo kakve pogonske motore na plovilima,
- konzumirati alkoholna pića u rafting čamcima tokom plovidbe ili ulazak vidno alkoholisanih lica u plovilo (takvim osobama će biti zabranjen ulazak u plovilo),
- ložiti otvorenu vatru na području Nacionalnog parka „Una“ osim na mjestima koja su označena za ovu namjenu,
- odlagati otpad u vodotoke ili na obale, osim na mjesta koja su predviđena za ovu namjenu,
- izlovljavati ribe, loviti i uznemiravati divlje životinje, ubirati šumske plodove i biljke koje obitavaju području Nacionalnog parka „Una“,
- kampirati u području Nacionalnog parka osim na mjestima koja su određena za tu namjenu,
- vršiti pristajanje čamcima i izlazak raftera na teritoriju Republike Hrvatske odnosno na lijevu obalu rijeke Une na dijelovima vodotoka gdje je rijeka Una čini administrativnu granicu između Bosne i Hercegovine i Republike Hrvatske.

Član 3.

Nadzor nad provođenjem ovih Pravila i Odluke o uvjetima i načinu organizacije sportsko – rekreativnih aktivnosti na vodenim tokovima u području Nacionalnog parka „Una“ vršiti će Nadzornička služba JP Nacionalni park „Una“ d.o.o. Bihać.

Inspeksijski nadzor nad odredbama ovog i ostalih propisa i uvjeta donesenih na temelju Zakona o Nacionalnom parku „Una“ („Službene novine Federacije BiH“ broj: 44/08), Zakona o zaštiti prirode Federacije BiH („Službene novine Federacije BiH“ broj: 66/13), Zakona o unutrašnjoj i pomorskoj plovidbi („Službene novine Federacije BiH“, broj: 73/05) i drugih propisa, vršiti će i Federalni i drugi nadležni inspektori.

Član 4.

Ova Pravila stupaju na snagu danom donošenja, a primjenjivat će se za kalendarsku 2025. godinu.

V. D. direktora

Alen Zulić